

Ervina Dabižinović, koordinatorka Centra za žensko i mirovno obrazovanje ANIMA

Dobar dan svima. 33 godine od toga kako nema političke volje za državno organizovani zločin. Znači mi ga definišemo kao zločin koji je organizovala država. U tom smislu postoje naši zahtjevi i inicijative koje 33 godine nemaju političku volju.

Teško je slušati obećanja svake godine da će na ovom mjestu biti obilježje jer smo to tražili. I ne tražimo samo zbog patnji žrtava koje bi time bile donekle uvažene. Tražimo zbog nas svih da prezdravimo u toj odgovornosti gdje prihvatamo da se ovo ovdje dogodilo, da su ljudi odvedeni, da je država bila potpuno svjesna šta će se sa njima dogoditi, a do dana današnjeg da nemamo utvrđenu odgovornost.

Teško je govoriti a ne propustiti i to da Ministarstvo kulture i Ministarstvo obrazovanja moraju biti najsnažniji pokretači da sadržaj o ratnim zločinima u Crnoj Gori uđe u obrazovanje kako bi mlade generacije znale šta se ovdje dogodilo. Ploča će bilježiti da je bio državni zločin ali će govoriti i o tome da smo spremni da naredne generacije ne ponove ono što smo mi uradili.